

隨園全集

紅豆村人詩集

紅豆村人詩稿卷九 辛丑壬寅

錢唐袁樹薈亭

將出江南留別諸親友

心愛江南好遊蹤三十年尋春桃葉渡聽雨杏花天爲築臨江宅新添負郭田何堪遠離別  
萬里入蠻烟大阮隨園住柴扉鎮日關堦前圍碧水牀下列青山兒女同登眺雲霞共往還  
一家常讌集花柳妬紅顏半刺分名郡家居竟未移官能容我懶客不笑臣癡江閣開花讌  
河亭足水嬉閒來無一事惟有畫兼詩大府垂青盼同人和短歌心閒牽夢少居久得交多  
後會重期約將離奈老何殷勤託江水爲我駐流波

出江城口號留別存齋兄

萬里長征路衰年遠別情春風吹細雨送出石頭城

再和存齋兄贈別原韻

殷勤送別出山樓情與長淮水共流官職何關名士計別離能使達人愁相期來世仍青眼  
可奈今生已白頭勉向山中計時日五年江上待歸舟

過蕪湖關福觀察保過訪舟中相邀入署觀劇暢飲即席呈謝

棄繻偷未臨關去枉駕偏勞放艇來江上客隨春浪到署中筵對暮雲開一庭花瑞呈金帶  
百和香濃愛玉杯時芍藥 有歌兒玉 官侑酒正是主人情重處叮嚀夜漏莫相催

春暮過皖江家春圃廉使署值牡丹盛開留宴三日因憶前年向江蔗畦刺史乞得毫  
州細種四十本植耦巢南牕聞花色甚茂而兩年外出一見未能感賦四章

一船雞犬渡江來笑挈妻孥訪栢臺恰是春深好時節華筵高對牡丹開 筵開內外集  
笙歌三日韶光一瞬過座上劇憐兄弟少天涯無奈別離多 名花相對惜春殘憶得家  
園舊藥欄婉轉乞來辛苦植開時讓與別人看 清祕天香富貴姿與兄品格正相宜還  
期開出三花瑞十丈濃陰護本枝

皖上觀協鎮 著 戴觀察 知誠 沈太守 元振 福祿倪廷樸 一刺史謝別駕 用瀆 張繼 員 林夢

張護周學元 四令尹招飲許司獄 其福 茹香閣張燈水嬉

閉戶悵交少臨別覺交多皖上逢舊侶惜我走關河王程有期限邂逅難蹉跎相招茹香閣  
雜坐陳笙歌主衆客僅一舌戰怯語訛琉璃筵開四面藻彩被遙坡優伶艷裝立玉樹交枝柯  
流霞飛巨罍不飲亦顏酡是時春欲暮柳外風融和雨霽月微白山烟橫翠螺池寬納衆景  
水淨生嬌波城頭鼓初動燈船出蔦蘿初時乍明滅幾點疎星羅繼乃列高下萬簇騰金梭  
燭焰動魚鳥震驚鼉鼉興闌酒欲醒雙眼試摩挲衆手不易執舉頭問姮娥斯樂良已極  
此地後誰過明晨掛帆去迴首情如何

度鄱陽湖

風滿長空水滿湖片帆一日拜雙姑船衝怒浪千層出雲裏遙峯半截無百戰餘腥浮鬣鬣  
一天殘照落菰蒲高吟直向中流過誰探驪龍領下珠

舟過豫章湯 蕞棠 杜憲 兩觀察九江周太守 克明 招讌百花洲感舊攄情得二十四韻

爲重故人意來陪閣下趨居然逢盛饒恰好在洪都冠蓋凌晨集瓊筵昨夜鋪百花開勝地  
萬柳護行廚回首春明夢同聽玉殿呼 余與湯公同榜 江城慚並駕 與周公同 汴水共飛鳥 曾與

同作尹

不是前生有渾如隔世無榮枯同歲月奔走各程途雲挾鵬搏遠書沉鴈影孤諸公

多顯達賤子獨泥塗經別仍青眼相看悵白鬚前期空浩渺此會亦須臾好雨迎新客清尊

識故吾亭臺半隱見烟水乍模糊心欲空今古身皆入畫圖正當歡敘劇不覺日將晡燈上

繁星亂堂前朗月俱悠揚動弦索光彩耀氍毹嘉果堆盈盒香膠貯滿壺量逢歡席大膽遇

舊交羸都是忘形契寧因俗禮拘時湯公方王程計時日客路極江湖明日將重別今宵忍

不娛縱教成酩酊自有玉雙扶座有雙龍二童侑酒

### 折齒歎

辛丑三月望揚帆大江津中流風雨作波浪駭崩淪舟播一牕落側擊傷我脣唇亡齒竟寒

雙扉一扇單風定痛未定捫舌坐長歎歎息此餘骨相依歷歲月菜根嚼既多膏粱饜未竭

忽然中道摧橫折出飛災切音將失韻笑口應難開從茲明鏡裏相對形先恥誰毆李道宗

愧陪習鑿齒非象類焚身相鼠慚知禮搖落不關秋含冤向誰理門面先就衰吾生其老矣

老矣將奈何落花春暮多幸非投梭折無妨仍嘯歌

### 登滕王閣

帝子樓非舊才人序獨存潮生南浦暗雨落大江渾舟楫通吳會雲山接郢門古今異憑眺

風景自朝昏

### 惶恐灘晚泊

萬安城下水粼粼十八灘頭扼要津試問古今來往客能無惶恐有何人

### 度梅嶺憩舉頭日近亭

石級層層似蟻旋濕衣疑雨亦疑烟千峯疊浪翻亭下萬樹排青護嶺巔山水卽今成勝地  
風雲自昔判蠻天平生妄說耽吟詠到此方思謝眺篇

度嶺後入清遠諸峽經觀音巖飛來寺各名勝山水奇異莫可明言總賦一篇用識梗概

千山萬山重復重千樹萬樹交陰濃蜿蜒兩龍夾岸臥當中一水飛烟虹山山自相續山山  
各起峯奇峯騁勢奇不去峯頭更矗青芙蓉樹樹各呈態一片綠蒙茸絨堆絮積鬱層疊轉  
疑天巧類人工兩崖束江水力噎奔濤怒走聲淘淘乘風一瀉數百里全家性命同沙蟲目  
搖神旺懼不及左盼右顧增豪雄忽然紆迴路中斷忽然木石來交攻放平心膽任行去羊  
腸九折隨境通有時崖邊見村落危樓破屋懸虛空有時啼鳥和樵斧但聞人語無人蹤觀  
音一巖更奇特瓔珞倒掛形玲瓏眞陽峽裏答聲響分明妄誕傳呼嵩香爐近水曉烟濕美  
人望夫朱顏紅或如束筍或拄笏或如伏虎或飛熊如盒或傳混元祕如匣或有千將封千  
狀萬態絕擬似森森白日吹陰風境靈須要佛力護從空飛下梵王宮瑤樓仙館出樹杪綠  
陰清靄傳疎鐘山水至此迺稱絕何有鳥道與蠶叢貪景轉嫌順風疾一日過盡心忡忡更  
惜化工不省事未解分移南土中棄置蠻徼竟何用空教過客瞻穹窿

羚羊峽卽步隲戰錢博處

兩山屹對峙一水奔中流紆迴二十里天光一綫浮江窄東濤怒崖峻團風迥風水互排擊  
洪聲吼萬牛蒲帆或失馭千古無回舟卓哉步刺史此地揚戈矛奇兵扼險要高靈懸蚩尤  
波翻解艦疾箭急魚蝦愁宏綱羅小醜斲斬如泥蹴一洗賊氣淨草木餘清秋至今風雨夜

鬼哭聲啾啾

抵肇郡後即事書懷却寄存齋家兄兼呈江南諸友

曾是西泠款段生居然方面領專城山通象郡看雲起水自脾牂到郭清瘴氣拂衣吹不散  
蠻音入耳聽難明十三州縣無窮事珍重黃堂一判行 堂皇衙署有殊觀燕寢恢宏後

圃寬陸賈既還誰作使包公以後敢為官烏臺莽莽人聲閉黑井深深鬼氣寒不用矜奇誇  
政績但能心正即身安 異地無朋可奈何閒情贏得日高歌廣求石友青花少試訪珠

娘赤足多戲嚼番瓜酸皓齒怕斟翠酒泛黃波 夜窸卑夾隨宜服却喜風光四季  
和 朝廷寮屬詢民事午向中庭課吏胥偶葺蘇軒安筆硯更開別墅弄琴書錦袍翠翟

山中雉巨口纖鱗峽裏魚每食未嘗兼兩味要留口腹暮年餘

白沙崗遠眺 俗名頂山

城西五里踏輕埃長嘯乘秋倚暮臺峻嶺石傳新婦化大江水自夜郎來謠人鸚笮衝墟散  
土人謂此為墟亦曰衝墟 賈客蒲帆向夕開指點亂峯重疊處蒼梧山色白雲堆

登頂湖山慶雲寺 在羚羊東

蒙為山下泉奇源出山頂瀦石匯平湖倒瀉青天影疑與銀漢通未許洪河並相傳軒轅氏  
於此曾鑄鼎騎龍事渺茫烏號誰復請高僧結蘭若飛囊森峻挺欄下羣岫低窗內長江迥  
繞砌羅奇葩環山植嘉名登閣傍重霄憑虛試一騁放眼湖天寬撲衣嵐翠冷微聞幽磬遙  
不覺清晝永遊興殊未闌夕陽媚西嶺白雲何時生烹泉坐石等 天欲雨則湖中發生土人以此為占驗時久旱故有

句末

秋日王參戎青崖招同人飲寶月臺卽席二首

小隊戎元出登臺日未西望中千嶂合欄外七星低佳釀供酬酢新詩遞品題塵襟逢雅集  
拚得醉如泥 羽士臨邛客琴彈大蟹行天空傳韻遠地適益秋清溪色斜陽動山光暮  
露明待看新月上歸路馬蹄輕

爲王青崖參戎題江帆載別圖 圖爲宋思堂轉運所作

將軍世胄擁高牙三十登壇鬢未華一路逢迎過淮浦行旌看遍廣陵花 思堂通使我

同年潑墨淋漓類米顛寫出離情千萬斛片帆滿載一江烟 前生我是杜司勳曾醉揚

州月二分今日披圖兩棹觸江南春樹嶺南雲

述嶺南草木

南荒風侯別草木換榮華桂放深冬蕊梅開帶葉花珊瑚森碧樹 珊瑚樹通體俱碧有枝無葉 薛荔綴紅

葩 韞是霸王植 有樹枝幹種種如韞云是實烈韞所化因名 裙爲孝女嘉 有羅裙藉樹

父疾蹲鴟長似枕椰實大如揸老嚼香椿幹 土人四時食椿葉至牙時時不食 肥餐苦笋芽 笋甚鹹而 四時

陳異果正月進鮮瓜麪刈清明麥 大小麥皆二月即刈 正油煎穀雨茶 土人以茶子爲油 楓頑多縱逸榕古更

槎枒常合數人抱橫拖五畝袁虬髯紛偃掛 榕樹大者有長鬚倒垂 龍爪騁擊擊大挪垂青霓 大挪樹無花而樹

實生於枝 想思悵赤霞 相思樹高數仞結紅子如碎珠 修條難悉數弱卉亦堪誇柏矮偏多壽 萬年柏高山

幹之上 結而成但去泥勿傷其根可裹鐵筒養 茅低解觸邪 草名 疎籬聞吠犬深澤覓脚蝦 吠犬脚

年餘以水澆之置雨雲中數十日仍活 雲烟蒸雜逕綬絨互交加芊密沿郊遍濃陰

名 方骨形殊衆多鬚用更賒 方骨多鬚皆草名 醫跌損傷神效

竟歲遮春秋同一氣搖落不須嗟

存齋大兄與書巢主人兩書並到喜而賦詩即以分寄

青鳥雙飛撥翠嵐六千里外接深談山人襟際仙無二太守頭銜柳起三

書巢凡三去職兩  
復起登州太守

地共名山大小一官分領海東南相思欲問情多少春水桃花滿碧潭

喜汪芝圃出守柳州馳寄六韻  
昔時中土幸連鑣早識聲名動九霄四十年華懸玉珮七十里路燦星韜花名柳澤雙旌麗  
春入龍城五馬驕湛露飄來蠻雨化和風拂處瘴烟消分符喜共東西粵對酒輸攜大小喬  
元白居然在杭越詩筒來往莫辭遙

章觀察槐墅書來論秦淮舊遊並有薄情之責戲答二首

秦淮一曲小銀河慣拂長條舞嫩波樓閣依然金粉在衣衫常惹酒痕多深堂捲幔邀明月  
繡幕迴燈聽短歌却笑牛郎守仙戒終年能得幾回過

無端歌酒別經年身外風情夢

裏牽柳線穿來原易斷荷珠傾後那能圓魚鱗欲寄裴郎杵鴈足難纏姹女錢知道東君解  
擡舉可曾安穩一宵眠

食嘉魚

聞說嘉魚迥出塵小湘峽口得來真生憎腹內柔針滿一味當筵亂刺人

七星巖

七星懸北斗倒影落南荒疎密分呈象高卑互列行無雲峯自濕不雨石恒蒼近截寒江住  
橫拖遠岫長危樓舒鳳翼峻級履羊腸巖朽儲殘溜臺空剩夕陽傳聞邀玉帝曾此讌霞觴  
古洞藏深壑陰崖敞曲房佛燈明眼界苔氣發心香卽此三冬暖應知六月涼坐來神欲定



紅豆村人詩稿 卷九  
將去意難忘期蠟阮孚屐憑嗤謝傅狂

題畫

木落草亭古竹疎山徑幽遙峯看不極祇似斷雲浮

葺東南軒落成

退食聊尋地數弓規模因陋不求工向明高取南牕日怕熱先開北牖風石竹影搖書案綠  
鐵蕉枝映幕紗紅等閒圖史端溪硯朝夕婆娑一老翁

端居自述效長慶體

放衙無事晚風涼細細把生平自忖量五十歲人行欲邁二千石俸忝非常積勞漸覺增衰疾  
恃壯偏猶拒藥方却笑春來花信到寸心還是少年狂

二月二十八日晚泊蘆包鎮

在三水縣東六十里時候迎上官

鹿鹿送迎如駿奔高崖繫纜將黃昏滿江春漲碧浮艇幾樹夕陽紅照村輕飛掠水燕無數  
細浪搖金風有痕長歌一曲舵樓晚孤情渺渺生雲根

次晨雷雨大作

昨宵煩鬱甚預卜今朝涼果然循環理竟不爽毫芒雷從地下出電明山頂光雨脚雜箭礮  
風勢奔虎狼分明練江淨頃刻洪波揚榜人互呼叫水鳥紛翱翔岸闊纜難繫舟簸頭屢昂  
同人盡惶惑我心獨徜徉否極自轉泰熱極必飛霜况茲二三月真氣乘青陽順時以應運  
豈有妄中傷須臾天怒息山色空蒼蒼浪平舟自穩雲濕水生香更資順風力掛席海天長

三月初四晚泊羚羊峽口

月黑不見山但聞風水響迴燈就篷牕一望迷蒼莽螺吹動斥埃蟲聲出菰蔣仙人驅羣羊  
不知欲何往遺石扼要津來去阻行榜端州達會垣月度恆一兩順風藉蒲帆逆流困蘭槳  
順逆亦何常行人自執掌既涉硯渚深硯渚在更躍龍門廣龍門在宦跡半波濤鄉情多夢  
想孤懷耐宵涼虛襟得靜爽漸覺船影高知是夜潮長

生日口占

曉來攬鏡向花前五秩新開又二年故我已先隨逝水問君何事不歸田空裝金屋虛香夢  
濫守巖疆愧俸錢認得機關終解脫青山未必竟無緣

讀長慶集漫成

開翻長慶集千篇晚歲心情慕樂天對酒幾無三日醒服緋剛過五旬年銀魚金帶迷山水  
白髮紅燈妮管絃官不甚高詩易解此翁合是地行仙

雨後舟行

雲收天宇濕風定海潮平殘雨歇猶滴春霞斷更明深林浮霽色層嶂咽雷聲獨倚篷牕坐  
吟懷共水清

將及廣州知城門已閉遂泊舟花田

花田今名花地距省城十里  
舊劉時望美人於此

江闊遙通海城嚴早閉門行舟及花地繫纜欲黃昏春暮紅飄徑雨餘綠滿村叢蕉舒鳳翮  
新竹長龍孫問水隨鷗隊尋芳蹈蘚痕今宵涼睡穩清夢繞香魂

市中見楊梅

橋堤三月綠楊風早見楊梅出市中憶得江鄉滋味好會稽霜白洞庭紅

粵中閒吟

萬水千峯鎖百蠻，  
種梅人去姓名寒。  
羊城下潮消長直，  
過羅浮到海寬。  
聖朝威德遍遐荒，  
黑齒雕提盡

客商城到五都開，  
寶市潮通百粵聚。  
舟航羣誇鐘表爭，  
奇巧轉笑璫璣少。  
燄光鬼子樓高磚  
影白隔江遙認十三行。  
幅幘千里各縱橫，  
五大三陽最著名。  
廣州之南海番禺東莞順德香山為五大潮州之海

陽揚三陽宋璟教來添瓦屋，  
宋璟刺廣州始教陶瓦昌黎化後起書聲。  
金桃勸酒朝墟散，  
花艇圍燈晚

市明花船海門外沙面江干可惜民風未淳古，  
信巫好訟更輕生。  
未解乘車喜佩刀，  
朱門

大厦亦雄豪，  
魚皮燈影懸星朗。  
土人吹河豚魚為燈光明特甚蠟殼牆聲撲雨高，  
俗以蠟殼築牆百孔經張風雨有聲搖日家

資爭炭廠搖人之首謂之燒炭為業，  
姪娘生計託漁篙。  
可憐萬樹春風綠，  
不見垂絲繫碧縲。  
垂柳中無

沿郊也解種桑麻，  
負澗依巖便作家。  
寒暖未妨同氣候，  
山川各自擁烟霞。  
遊人冬日搖風

扇行客晴天挾雨遮，  
土人呼傘為雨遮，  
好是春時一二月，  
紅燒十丈木綿花。

張香灩太守解組將歸，  
出琴鶴圖屬題，  
即以贈別。

冊載名場老孤懷，  
兩眼青碑留大庾。  
公與令祖先後守南雄梅嶺上載有碑記績著景賢亭，  
景賢亭為靜習調公創建

琴譜閒修相鶴經，  
分明趙清獻千古共芳型。  
過眼雲霞幻抽身，  
天地空松孤秋更碧楓。

茂老尤紅息舞修林外，  
尋聲夕照中生平遊宦意。  
一卷寄清風，  
此去歸途好春風日未

噶杯邀江上月舟，  
載嶺頭雲笑別，  
搖蠻侶言親鸞鶴羣。  
臨歧無所贈，  
惟屬念相聞。

雨涼

炎蒸連十日，  
一雨嫩涼生。  
書帶微含潤，  
流紈頓覺輕。  
汗消憐體滑，  
神定識香清。  
今夜鴛衾裏

應添幾許情

早春

嶺外韶光早春深正月天綠沈蕉葉雨紅過杏花烟秧稻平鋪錦衣裳久去綿江南憶風信應未到梅邊

補齒

去年橫擊一齒落過盡屠門難大嚼今年有客工補天斷骨續骨如完全切磋既就形無兩入竅分明關痛癢一聲長嘯海天秋璧則猶是馬加長強把無情合有情掀髯排比自相生粲然偶啟無妨冷默爾靜扣仍有聲序次幸非無足數漱石餐霞任吞吐明知不是骨月親且可相依禦外侮

崧臺

在七星巖玉皇峯上豐碑大書上帝鑿百神處

玉皇峯頂敞高臺雲引天門一綫開放眼未窮千里遠傳聞曾讌百神來峽山近傍階前立瀝水遙從掌內迴應是仙人慵不掃石闌干畔長莓苔

贈陳雷州瘵夫

蒼髯白髮擁雙旌草隸功深老更名瞪目獨傾一二斗科頭長嘯兩三聲門前書鳳常嗤俗腕下擒龍要取生怪底筆能搖五岳前身原是太湖精

洗硯圖爲汪莎橋題

熟讀繁欽頌端溪訪硯村暈分青雀眼嫩割紫雲根石案澄秋影松花浥露痕臨池書興足殘瀦付魚吞道子傳神筆能傳阿堵奇臨風開絹素活脫出鬚眉石友調琴洽嬌童捧硯宜

桃花潭水碧正可想襟期

題秦方吉烹泉圖

方吉年五十僅一子忽夢其太夫人持蘭語之曰爾舊蘭將萎矣吾為爾新之方吉

手受而寤未幾其子竟歿方吉感悼圖寫小影手握芳蘭以誌其夢

欲補南陔展孝思幻從畫裏寫丰姿試憑陸羽三冷論閒賦盧仝七椀詩花贈庭萱應有待

子生仙果那嫌遲故鄉泉水高堂夢正在蘭香茗熟時 蘭萎分明夢未差等閒何事久

離家有徵定可重開甲不種何能白茁芽門對惠山分活水居臨顧渚詢新茶方吉家無錫天涯

駒影春如海忍更虛拋屋裏花

午過羚羊峽

雙槩乘江下春深鳥語殘午看山影直晴覺峽流寬洲晒漁舂小峯懸瀑布寒靈祠應笑我

來去太無端峽外有靈山祠

題魯尹東小照

碧海雲高綠楊雨歇萬頃春波一船明月 有懷投筆笑學乘槎不逢漁父時見桃花

米家畫舫陶令衡門春風短櫂夕陽半村 水平舟穩風正帆開遊情方壯漫賦歸來

得存齋兄書知春初還錢塘作天台鴈宕之遊且不俟迎而來粵喜賦三章

矯矯東山鶴先春出九臯宦情拋更澹遊興老偏豪鴈宕尋烟入天台倚日高阮孚雙屐健

竹杖不須勞 正是春新候湖山要好詩幽人成獨往故國慰相思雲暖流香遠花深放

櫂遲經過葵巷里隔世憶兒時故居在杭 萬里將迎意春前遣老奴余於新正深情期

杖履私念怯江湖聞說乘風便無煩折簡呼殷勤計時日先爲整庖廚

納涼

龍鬢八尺展簾牀移近欄杆臥晚涼經雨半垂君子竹凝風不散女兒香腰憑來夢摩挲巧背愛麻姑指爪長捲起珠簾邀月入醒時錯認滿庭霜

乘潮度珠海

霞澹斷猶明蟬鳴雨初歇船底潮暗生岸前灘漸沒掛席趁長風臨流弄明月試欲訪珠娘風波杳溟渤

宿新興察院公廨

溽暑連輯掃不開暢時小住且啣杯庭前三丈芭蕉樹終日瀟瀟送雨來

夜發沙河

在新興江內

河淺不盈尺洲迴數重灣白痕倒眠鷺碧影沈遙山船擱行忽坐沙怒語更蠻多情謝明月照我青雲間

賦得微雲淡河漢

得河字 端州試士題

露氣澄霄漢清光動玉河雲間風弄葉天上水無波互駕長空遠輕移一片過澹時因月朗明處得秋多隱隱遙相望盈盈渡若何天孫有餘綺清淺散纖羅

賦得卓犖觀羣書

得書字 試士題

志欲超今古胸宜博異書五車窺易盡二酉探恒餘馳騁遊梁苑縱橫校石渠藏分三本富坐擁百城如鄴架春風滿芸窗夜月虛豈徒供獮祭便擬子雲居

古劍

寶劍何年鑄雷紋蝕不全舞來飛白練剗處走青烟鐔斂霜猶肅神藏性益堅未逢歐冶子誰識是龍泉

八月初六度桂林峽見桃花盛開

秋清天宇肅高峽聚烟霞不見桂之樹翻驚桃始華

題畫

遠樹不辨葉遠水不作波精思極妙指心手交融和薄非在筆少厚豈緣墨多筆前與墨外經營當如何雨牕几案淨素卷拂輕羅端硯甫求得隴槩試新磨偶然動清興隨意寫巖阿濕雲罨喬木淺瀨浮遙坡野艇任維繫危橋孰經過幽人宿烟霧柴扉閉蕙蘿時於林深處丁丁聞伐柯何當謝塵俗把臂同高歌

和尚峯 有序

在德慶封川界山下臨大江有巨藤至晚浮水面互架南北岸聞打五更卽下沈國初時黎猿每夕乘藤以渡大肆抄掠至五鼓卽乘藤以去官軍莫能追名其藤爲賊藤後以計伏兵不打五鼓至天明藤猶上浮因乘之直搗賊巢遂平其地建羅定州設東安西寧二縣分治之斷其藤以爲鼓圍合三人抱今肇郡鼓樓上尙存其一脫却毘盧袒右肩只將一指對青天賊藤旣斷魔根剪不點頭時也是禪

端江月夜

木蘭艇子駕秋風萬里澄江月影空雲岫挿天千頃綠漁燈隔浦一星紅心驚霜鬢身如寄

老入蠻荒氣轉雄歌詠未能忘結習清商響答碧虛中

三洲山

三峯矗立水雲隈生面全殊列岫開豈是靈山戀塵俗神州小謫却飛來

同楊蘭坡和華竹齋九日讌有竹堂原韻二首

爲愛佳晨早放衙吟成白雪後堂誇簷前榼火猶爭豔籬畔殘陽正未斜堪沁詩脾惟綠酒

能開笑口是黃花人生到處須行樂莫插茱萸便憶家時庭前樹花大樹外羣蜂鬧午

衙庭中雅集韻堪誇但期籬短人常健轉惜峯高日易斜落帽有情剛送酒題糕無胆且吟

花他年我欲開三徑誰訪柴桑處士家

江蘆

不耐春寒只耐秋和烟和月隱漁舟笑他學得風流態纔見簪花已白頭

花田清曉

花地停橈水氣涼曉風寒翠影蒼蒼五更月落猶聞笛九月秋深不見霜逕委落英誰解珮

潮催歸艇夢流香遊人多載花艇夜宿南中草木無冬夏一任年年各自芳

坐羊城寓館小池上見秋風起

塞北鴈不到嶺南秋獨遲授衣賦已久濃綠猶在枝羊城有賓館小住亦相宜瀟疎竹三逕

清冷水一池秋花學春豔與菊鬪寒姿偶來池上坐忽覺秋風大但聞葉蕭蕭不見一葉墮

蕭蕭聲滿耳月白秋聲裏池水止不流池波平不起脈脈感遙情鹿鹿何時已華髮不禁吹

風前人老矣



聊復爾

問心猶是少年如不信霜添兩鬢殊無那燈前聊復爾偏教幼妾染新鬢

奉委赴海珠寺演礮因登得月樓

太平不用武武備不可懈桓桓列礮臺鎮此百蠻界寺起海當中臺高週數重鏡吹動軍樂  
慘澹遇天風令出礮聲發青烟蕩溟渤臺中響欲沈遙山轟未歇演罷登高樓極目天宇秋  
洋海泛盃水浩浩凌滄洲盛朝遍威德近服更遠柔臺前波渺渺樓上雲悠悠悠悠肆遐騁  
身在諸天頂寺以海珠名海靜珠宮迥蛟女斂霞綃姪娘弄烟艇驪龍抱珠眠雷聲驚不醒